



CONVENIO DE COLABORACIÓN ENTRE A CONFEDERACIÓN DE EMPRESARIOS DE PONTEVEDRA E O CONCELLO DE VIGO PARA A REALIZACIÓN DE PRÁCTICAS NON LABORAIS DUNHA ALUMNA DUN CURSO DO PLAN AFD 2017/2018, segundo as bases reguladoras da orde de 7 de marzo de 2017.

Vigo, 21 de maio de 2018

REÚNENSE:

Por unha parte, D. Santos Hector Rodríguez Díaz, concelleiro delegado de Emprego, Participación Cidadá e Voluntariado, en representación do Concello de Vigo, con enderezo social na Praza do Rey, nº 2 de Vigo, C.P. 36202 e CIF: P-3605700H, en virtude da delegación conferida por decreto de Alcaldía de 19 de xuño de 2015 e Acordo da Xunta de Goberno Local de 19 de xuño de 2015.

Da outra, D. Jorge Antonio Cebreiros Arce, con DNI.34.938.573-D, presidente da **CONFEDERACIÓN DE EMPRESARIOS DE PONTEVEDRA**, con CIF:G-36615219 e domicilio na Avda. García Barbón n.º 104 de Vigo, CP 36201, que actúa en nome e representación da devandita entidade, inscrita no Libro de Entrada número 36/68 con data 2 de xullo de 1977, segundo certificado expedido polo Servizo de Relacións Laborais da Consellería de Trballo da Xunta de Galicia.

Ambalas dúas partes recoñécense con capacidade legal suficiente para outorgar o presente convenio e, para os efectos,

EXPOÑEN

Que ámbalas partes recoñécense recíprocamente capacidade e lexitimidade para acordar.

Que o obxecto do presente acordo é a colaboración entre as entidades ás que representan para o desenvolvemento das Prácticas dunha alumna dos cursos AFD 2017-2018, segundo as bases reguladoras da Orde de 7 de marzo de 2017 da Consellería de Economía, Emprego e Industria da Xunta de Galicia.

ACORDAN

Subscribir o presente acordo de colaboración para o desenvolvemento da formación práctica en centros dependentes do Concello de Vigo para unha alumna do curso "Actividades de Xestión Administrativa" (código: ADGD0308) do Plan AFD 2017-2018.

CLÁUSULAS

Primeira.- Os alumnos/as do curso de "Actividades de Gestión Administrativa" do Plan AFD desenvolverán actividades formativas, durante 80 horas, programadas nos servizos e centros dependentes do Servizo Participación Cidadá e Desenvolvemento Local do Concello de Vigo, sen que isto implique relación laboral algunha con esta institución; ésta será, polo tanto, estritamente académica.

As prácticas non serán recompensadas economicamente a ningún alumno.



Segunda.- O Concello de Vigo colaborará na formación do alumnado do curso de "Actividades de Xestión Administrativa", sen que en ningún momento poida verse afectado o seu normal funcionamento.

Terceira.- Calquer accidente que un dos alumnos poida sufrir dentro ou fóra do Concello de Vigo estará cuberto por un SEGURO DE ACCIDENTES e unha PÓLIZA DE RESPONSABILIDADE CIVIL a favor da alumna, contratada pola **CONFEDERACIÓN DE EMPRESARIOS DE PONTEVEDRA**, e que comprenderá todo o período de prácticas. A alumna, baixo ningún concepto, poderá reclamar responsabilidades ao Concello de Vigo.

O Concello de Vigo, en ningún caso, asumirá un gasto derivado do presente Convenio, nin de danos e perdas que se poidan producir nas instalacións e dependencias do Concello de Vigo.

Cuarta.- De conformidade co disposto na Lei orgánica 15/1999, de decembro, de Protección de datos de carácter persoal, o/a estudante en prácticas que por razón das actividades formativas teñan acceso, en calquera fase do tratamento, a datos de carácter persoal, non revelará a persoa allea á empresa/entidade información da que tiveran coñecemento, nin utilizará ou disporá dela dun xeito ou con finalidade distinta á esixida polas accións formativas; obriga que subsistirá aínda despois de rematadas as mesmas, respondendo en caso de incumprimento do deber de secreto fronte á empresa/entidade, sen prexuízo das responsabilidades que por igual causa puidesen derivarse ante a Axencia Española de Protección de Datos.

A tal efecto os/as estudantes asinarán coa entidade un documento no que se obrigue a cumprir o deber de secreto antes citado.

Quinta.- A entidade responsable da docencia fará un seguimento do/a alumno/a en coordinación co responsable por parte do Concello de Vigo, o xefe do Servizo de Participación Cidadá e Desenvolvemento Local.

Sexta.- Número de prazas

O Concello de Vigo acollerá á alumna da **CONFEDERACIÓN DE EMPRESARIOS DE PONTEVEDRA Ana Isabel Covelo Lorenzo**, con DNI:36140365-M, en calidade de estadia de prácticas.

A alumna non terá a posibilidade de prorrogar ou repetir as prácticas realizadas ao abeiro deste convenio.

Sétima.- Número de horas e horario

Todas as xornadas de prácticas realizaranse dentro do horario de 08,30 a 13.30 horas, desde o día 4 de xuño, luns, ata o 25 de xuño, luns, de 2018; según acordo da **CONFEDERACIÓN DE EMPRESARIOS DE PONTEVEDRA** e o Concello de Vigo.

Oitava.- O presente acordo poderase extinguir por finalización do tempo convido e poderase rescindir por calquera das partes, mediante denuncia dalgunha delas e que se lle deberá comunicar a outra cunha antelación mínima de cinco días, baseada nalgunha das seguintes causas:

a) Cesamento de actividades do centro docente ou dos centros dependentes do Concello de Vigo.



- b) Forza maior que imposibilite o desenvolvemento das actividades programadas.
- c) Incumprimento das cláusulas establecidas no convenio específico de colaboración, inadecuación pedagóxica das prácticas formativas ou vulneración das normas que estean en cada caso vixentes en relación coa realización das actividades programadas.
- d) Mutuo acordo entre a **CONFEDERACIÓN DE EMPRESARIOS DE PONTEVEDRA**, adoptado pola súa dirección, e o Concello de Vigo, adoptado pola súa parte. Igualmente poderase rescindir para un alumno ou grupo deles, por calquera das partes asinantes, e ser excluído da súa participación no acordo por decisión unilateral do Centro de Formación ou do Concello de Vigo, ou conxuntamente de ambos os dous, nos seguintes casos:
- 1) Falta de asistencia e/ou puntualidade non xustificadas á realización das prácticas.
 - 2) Actitude incorrecta ou falta de aproveitamento, tras unha audiencia coa persoa interesada.

A alumna aceptará que en calquera momento se lle poida requerir que abandone definitiva ou temporalmente as dependencias do Concello, sen que poida esixir ningún tipo de indemnización, previa comunicación á **CONFEDERACIÓN DE EMPRESARIOS DE PONTEVEDRA**.

Novena.- O presente acordo entrará en vigor na data de sinatura e rematará coa finalización do período en prácticas da alumna.

E, en proba de conformidade, asinan as partes o presente convenio no lugar e data indicados ao comezo.

POLO CONCELLO DE VIGO
O concelleiro de Emprego, Economía, Industria,
Voluntariado e Relacións con Sindicatos
(Delegación de Competencias de Alcaldía de
19/06/2015 e Acordo da X.G.L.de 19/06/2015)

Santos Hector Rodríguez Díaz

POLA CONFEDERACIÓN DE
EMPRESARIOS DE PONTEVEDRA
O presidente

Jorge Antonio Cebreiros Arce

